

度
支
奏
議

度支奏議目錄

堂稿九卷

京軍十二月分改支京糧疏

請祈開門爲袁督師轉餉疏

借用崇文門外商草疏

措發滿桂侯世祿兵馬本折行糧疏

請祈開門發袁督師兵馬芻餉疏

請撥兵撥車輪輓行糧疏

關寧血脉不通太倉匱乏殊甚疏

回奏總兵滿桂給發熟食草料疏

分委司官給發行糧料草疏

袁督師兵總發草料飲食疏

會議民夫口糧疏

添委司官管理京營行糧疏

酌議城守軍丁本色行糧疏

回奏督師軍中糧料疏

酌定廣渠門外運發糧料之法疏

給發副協理新兵本折糧餉疏

題議門軍口糧鹽菜疏

報發尤岱文光行糧疏

給發滿帥行糧確數疏

急調司官以備料理行糧疏

給發援兵行糧疏

率屬捐貲以助軍餉疏

給發新兵餉銀疏

奏報京軍匝月行糧料草疏

通州寄庫軍餉通融支用疏

河干凍糧無志據揭轉報疏

謹擬原給折色以優將領疏

題委趙炯管理申甫軍餉疏

三河錢糧酌給薊密兼濟疏

給發副將申甫兵餉疏

補還工部贓產急備硝黃疏

恭報發過良鄉援兵行糧疏

募兵已有次第月餉宜衷畫一疏

廣文奏議卷之九

太子少保戶部尚書淄青畢自嚴視草

京軍十二月分改支京糧疏

題爲再酌京軍預支倉糧以信

明旨以重戍守事竊照寇逼門庭京軍守禦同仇敵
愾倍應鼓舞而况風霜凜烈手足痺疼其勞苦
黧黑之狀殊有堪爲憫惻者我

皇上惠溥貔貅恩隆醪續業以預支通糧之策令臣
與總協二臣悉心商議隨經斟酌合京營十二

萬三千二百之衆分爲五班每班二萬餘人
赴通倉預支十二月糧於以實根本而資飽騰
至便計也嗣奉

明旨旣酌妥依議行該衙門知道欽此臣部卽咨劄
各衙門原議十二日開倉給領今旣數日矣併
無一軍下通領糧者豈警報日急城守不容少
弛總協二臣或另有遠慮乎抑鶴唳風聲皆足
以造危疑而遲三軍之行色也近聞賊兵漸逼
潞河遊騎四散十數成羣所過有殺掠之慘而

亂民乘機借名焚擄以致村落荒涼行人斷絕
卽臣衙門要緊文移皆中格而不能達於通矣
萬一領糧之軍稍有挫折於京城不便卽狡猾
之虜乘領糧者混入作祟於通州更爲不便而
煌煌預支之

明命可遂爲空譚已乎合無將前議十二月糧姑獲
改於京倉預支則晨炊不匱而內顧乏憂京官
十萬之衆有不奮勇殺賊以圖報我

皇上痼瘵之恩者哉且數日來逃難之民四集

輦下而城門啓閉不時煤米價值騰踴一旦有此
十餘萬月米或各軍自炊或各軍市價其于難
民之洗釜待爨者全活不少又一舉而兩得之
道也臣亦知京倉匱極見貯不過一百四十餘
萬而時有緩急法難膠柱但將應支通糧月分
俟事平後照數補支庶軍民兩利而亦不虛
皇上軫恤營伍之德意也臣因是而深惜搬運凍糧
之議亦稍稍後時者先是諸臣建議將河干漕
米召集軍民搬運許以三七酌分隨經臣部題

奉

明旨一面咨劄各衙門遵行一面出示招募乃旬日
以來併不見有投袂而起者無非以道里隔遠
賊氛逼近卽官軍二萬尚不能輕往又誰肯拚
身命而求升斗之脚值哉恐凍米尚無可運之
期而水床先作無益之費似應姑令京通二廳
亟行料理打算俟有應募投結者方便造給及
查饒御史原疏責令各衛運官每船造床四隻
每隻載米四石卽以原僱水脚牽拽每石給米

三斗尤爲得算合聽各該衛所查照奉行蓋備
錢穀併紬之時粒粒皆小民辛苦銖銖皆

皇上軍儲審時度勢固不得不瞻前顧後耳敢因再
酌月米而併及之統惟

聖慈垂察焉臣等無任悚息待

命之至

崇禎二年十一月十八日具

題本月二十日奉

聖旨各軍十二月糧仍准京支虜既逼通自遠輸近

反齋盜糧該衛及地方官嚴加防獲軍運徐議該
衙門知道欽此

請祈開門爲袁督師轉餉疏

題爲緊急軍情事本月十八日戶科抄出兵部署
部事左都御史申用懋題前事奉

聖旨大兵遠來亟需芻餉戶部立刻措給黎騶完奏
兵部賚去皇賞途次未值着另發銀一萬兩軍前
給犒袁崇煥星馳入衛差官獎諭并着鼓勵兵將
相機調度仍約會孫承宗協力擊賊全勝收功該
衙門知道欽此案查本月十七日亥時接得兵部
職方司手本欲行速發米豆草束接濟督師袁

崇煥兵馬等情臣聞報時漏下已三鼓矣臣卽
燈下檄各司官管倉者立刻運米又臣部前運
薊料豆因路梗阻回尚未卸車就便督發其草
束幸有

御馬場未上草十餘萬見在

崇文門外卽創該管司官向兵部撥巡軍三百名
速行運發而本色三項因以無缺俱於黎明登
車啓行至巳時候方陸續一出

崇文門而

左安門仍不肯開雖請兵部令箭爲照亦不放行
留滯延緩臣心驚懼

大恐有悞

欽限倉皇入

朝告諸閣臣祈爲轉達

天聽又恐兵馬饑疲急求接濟速奔出外至

崇文門則門已下鎖矣臣部原發米四百石原發
豆二百五十二石俱在

崇文門內外詢之押車員役則米豆草皆未出

左安門也臣部司官范鑛王肇生等前往料理發
運并與督師商議護運之策亦俱關閉城外不
得復歸署矣似此城門晝扃晚開早閉顧事最
難益生規避臣實惴惴不知何以竣此局也伏
乞

皇上申諭該門稍爲寬假放行以便轉餉庶徃旅有
賴而臣等亦可逭於罪戾矣

崇禎二年十一月十八日具

題本月十九日奉

聖旨這運去糧料着原差司官刻期開門運候守門
各官嚴加防範勿得疎虞欽此

借用崇文門外商草疏

題爲欽奉

聖諭事本月十八日接出

聖諭崇文門外馬草係商人買辦未上者卽着戶部
諭借濟用不得刻遲悞事欽此欽遵該臣等看得
崇文門外馬草原係買備上供

御馬監之用當此廣騎充斥督師袁崇煥驟集城下
一切支給草料臣部方在捉襟露肘之秋而商
人未上馬草許臣借用仰見

王上留心軍國體恤臣私無所不至隨遵依劄行
督員外郎李孔度前往堆草處所驗發軍前應
用仍藉記數目候事平之日照數買補所有原
奉

王諭一道理合具疏

進繳謹具題

崇禎二年十一月十八日具

題

措發滿桂侯世祿兵馬本折行糧疏

題爲措發本折行糧事本月十八日戌時文書房
傳出

聖旨戶部尚書畢自嚴等明日卽發糧草共料與滿
桂見在東直門外扎營立等回奏欽此臣查總兵
滿桂率兵五千赴援馬亦稱是在

聖旨以爲在東直門外扎營及准兵部咨文則稱見
在德勝門外也臣卽刻行京糧廳主事趙建極
派令監督海運倉主事朱萬年監督北新倉員

外郎鄭抱素共運發倉米二百石又派令監糧
太平倉主事李希衡發豆二百石又行令監督
臺基北新草場主事李不伐發草一萬束俱各
分頭辦送限於本日運完以後照例陸續接濟
仍令邊餉司郎中王肇生往與滿桂面議或徑
運至本營或在城頭支給便宜從事又昨該臣
部題爲酌議解發援兵行糧等事奉

聖旨行糧依議速發欽此查原議給滿桂行糧銀五
千兩相應一併解發總之事關軍興臣部夙夜

奉行時刻不容少緩者也擬具題間又奉

上傳差宣官長隨陳進保等口傳滿桂侯世祿糧草
卽發夫滿桂糧草則前已備矣侯世祿近聞亦
至

德勝門外其尚未集其原請給行糧銀兩并本色
糧餉應俟提兵到日卽行指撥者也擬合題

知

崇禎二年十一月十九日具

題本月二十日奉

聖上知道丁侯世祿兵先剽若干卽與陸續先發不
得耽待欽此

請祈開門發哀督師兵馬芻餉疏

題爲緊急軍情事本月十八日奉有大兵遠來亟
需芻餉戶部立刻措發黎明完奏之

旨又文書房口傳

聖旨戶部畢自嚴卽發糧草與袁崇煥欽此臣分委
司官連夜裝運齊集於城門邊因

左安門不敢擅開無從交卸臣已據實入

告矣至本日戌時臣委去司官范鑛自

左安門回稟稱門禁甚嚴若再觀望耽延定悞急

用職與郎中王肇生計無所出因隨

欽賞內使得以出城與袁督師面相商確議定米豆
從城牆垛口溜下草束亦從城牆垛口丟下聽
督師委官自行收領分給職同王郎中分定信
地交與本部原委司官黃中色查放先馳回報
等因臣聞之方喜司官范鑛等能爲權宜濟變
之術然每日所運豆草以千百計必從城牆口
溜下用力甚艱所濟幾何臣正在私憂徬徨間
續於十九日五更接到

聖諭據內臣奏哀崇煥討取草料着該部速行措辦
運赴軍前欽此臣等查據倉場各官回稱十八日
發過米四百石豆二百四十石草一萬餘束已
從城壕口溜下交督師委官王副將領收去訖
其十九日續發草料見在委官分頭料理顧募
車輛人夫上緊搬運臣當竭力措辦不敢刻遲
伏望

皇上簡臣前疏

勅諭守門內官遇臣部運發米草到門立刻放行庶

免遲悞所有原奉

聖諭一道理合具疏

進繳謹題請

旨

崇禎二年十一月十九日具

題本月二十四日奉

聖旨已有旨刻期開門速發但須先日預儲日中運
發不得耽延迫暮致有疎虞該衙門知道欽此

請撥兵撥車輪輓行糧疏

題爲援兵糧料草束輪輓甚艱祈

勅撥與護送撥車發運以共佐軍興事照得近日督
師袁崇煥之兵駐

左安門外總兵滿桂之兵駐

德勝門外俱奉

聖旨責令臣部發運糧料草束接濟各兵遠來人馬
饑疲非藉芻餉何資騰飽竭力供億以殲醜虜
此臣分無所辭亦誼不容已者惟是每日轉運

米豆餘千餘石草約一二萬束均難不憚而
則轉運之難也夷氛孔熾風鶴驚心人皆趨避
不前如昨者督師初至軍脚視門外如陷穽非
臣差司官范鑛王肇生倡先親往卽重資招募
無一肯行則雇募之難也烏合之衆流散無統
既虞奔逃倥偬之時門徑充斥且虞壅塞則防
範之難也今除一切小車俱臣部自行雇募外
其其部有所車四十輛工部有黑窰琉璃大石
筒等車未知確數前臣因運薊州料草曾請借

用

明旨業已許之乃兵部所車止以七輛至發運蘆豆甫登途而報罷後運至

左安門隨即掉臂而去工部黑窑琉璃廠止以舖商勞繩祖姓名開來而車迄未至也夫兵部所車常爲臣部發運各邊新舊餉銀今外發漸稀矣獨不可借爲

京師用耶工部車輛原爲土木興作之需今當沍寒時值停工獨不可借爲臣部一用耶大車一

輜可當四小車若得兵工二部各借大車十輛
是常有八十輛小車轉運不足者再行雇募小
車補之則爲力稍易矣一切工食草料之費臣
部自當從優照例補給無敢吝也至於

都城內外轉解京軍援兵本折行糧必賴兵馬分
布護送協力催輓方可保無他虞尤望

勅令兵部不拘營軍巡軍專撥將官一員千總二員
統領官兵五百名隸送臣部專管護送本折錢
糧庶可免於踈防而悞事也抑臣猶有請焉臣

部原設在京六倉除支放外計米尚在百萬之
外京五草場收貯草束可二百萬俱待支用可
不稱匱惟料豆一項向未收買其各倉中收有
屯豆一萬六千餘石前八月內已經散給三大
營軍士矣嗣聞虜警臣卽督率司官急行收買
約得料豆一萬四千石今所支運皆是物也
此外別無儲積大有匱訓之慮近查

東直朝陽二門之外尚有商人料豆可數千石臣
部見今設法令各營與商人兌支且草束亦多

堆垛者聞

德勝門外亦有之萬一虜騎臨城俱爲盜資則此舉亦目前急務也容臣討發兵部令箭差人出入以便兌運實爲便計此外仍

勅五城御史查訪城內外料豆開報在官廣爲收買臣部從公給價似亦不爲厲民而實可以裕用矣至於臣部總督倉場侍郎南居益實司倉儲之務今通州彈壓督防已有閣部至矣似當勒令回京料理出納諸務勅臣一臂之力統祈

聖明勅下臣部遵奉施行

崇禎二年十一月二十日具

題本月二十二日奉

聖旨援兵糧料悉屬該部今張鴻功兵又到速派司
官運給不得遲悞兵部工部各定撥大車十輛仍
將管車司官姓名奏知軍戶逃誤者軍法從事專
撥護運兵將兵部卽撥具奏商人料草依議兌支
南居益回京理餉該部知道欽此

開寧血脉不通太倉匱乏殊甚疏

題爲開寧之血脉不通兵譁可慮太倉之匱乏殊甚接濟孔艱謹據實并陳仰祈

聖鑒事據新餉司郎中范鑛呈稱夷氛不息道路梗塞開寧月餉除自顧贏頭各解二萬外今且聲息不通矣職行查新庫續到銀兩共積貯二十三萬有奇本部千催萬催方得此數竟不能以分毫飽軍腹萬一開寧餉斷乘風鼓譟禍不可言有銀而不能解非司餉之罪也等因又據管

理太倉銀庫主事馮世熙呈稱職自聞虜警
來本部劄派十月二十九日起至十一月十
日止通計放過薊密永昌易并各鎮及京支防
護官軍口糧鹽菜等銀共二十五萬九千六百
七十一兩三錢二分零此係緊急錢糧時刻不
敢延緩隨到隨發業已借湊漕折那動農桑盤
庫所有盡已搜括措發僅存老庫銀二萬九千
餘兩及京糧庫已收未收銀計十萬餘兩然未
奉題

請不敢擅動值今時事多艱外解罕至無論地方未經起解者畏避不前卽已解在途者聞警亦必中途逗遛此後鹽菜口糧庫貯分文難措伏乞蚤爲設處等因各到部該臣看得開寧不可一日缺餉尤不可於今日缺餉蓋夷禍猖獗在在觀望脫巾瓦解祇借寇兵關係豈小臣已遵明旨將開寧餉道行督師酌議矣倘餉道終無可通則釀亂究不可測也臣勉強督催新餉積貯二十三萬有奇今皆貯之無用良可傷心亦可寒

心至于太倉空虛原

皇上所洞鑒加以軍興驟起費用不貲自十月二十九日起至十一月十七日止放過銀二十五萬有奇臣已竭盡犬馬之力至於兩淮鹽課前十五日報稱已至景州近日茫無音耗不知敢前進否今據該庫呈稱止存老庫銀二萬九千餘兩并京糧熟巡青項下者已收未收約十萬餘兩未奉題

不敢擅動倘蒙

聖明俯念戎事倥傯俯准借動老庫京糧并新舊餉
通融支放事寧銷算照數補還此外如有不敷
再

賜發帑接濟庶糧餉充足城守恃以無恐仰懇

聖明深惟

宗社安危大計蚤行裁決施行

崇禎二年十一月二十日具

題本月二十二日奉

聖旨軍興急需鹽糧京糧庫銀准借新舊通融支銷

淮鹽課銀速催護欽此

回奏總兵滿桂給發熟食草料疏

題爲探報捷音事該兵部題前事奉

聖旨大將首挫賊鋒捷奏深嘉忠勇賊散復集嚴陣
以待還聯絡督師各兵合謀合力犄角制勝熟食
給犒金草料接濟各遵旨速發不得稽悞該衙門
知道欽此欽遵除督師營中熟食草料臣於二十
日當夜躬率司屬分辦各親詣城上已經縫發
外惟是總兵滿桂原駐兵

德勝門外近復移師不知下落候探有的確處所

或附近城下容臣等卽行給發不敢少悞時刻
也臣等可任悚息待

命之至謹先題

知

崇禎二年十一月二十二日具

題

分委司官給發行糧料草疏

題爲欽奉

聖旨事本月二十一日接出

聖旨傳與戶部尚書畢自嚴賊衆臨城援兵在外行糧草料刻不容緩爾卽坐名分委能幹司官隨時緹城給與一面星催五城製辦熟食卽城守各軍行糧此時應給本色馬草無處買草卽將京五場草給與此係緊要軍機毫有耽悞立罪不宥欽此

欽遵臣恭聞

明命踴躍悚惶此何時也而臣敢怠緩從事乎查

京城九門重城七門臣蚤已選委司官宋應軫等

一十六員分門坐守正爲給散守城官軍糧料

而設其城外援兵糧食草豆臣業委司官郎中

范鑛王肇生等星夜措辦縱城給與城守各軍

行糧本色原委坐門司官先已支運倉米囤貯

各門隨便分給馬草則劄管場官照數關支料

豆設法召買見在分散熟食則行五城兵馬火

速造辦臣部刻刻料理時時督催萬不敢毫有

耽悞自取罪戾爲也所有原奉

聖旨一道理合具疏

進繳謹具題

崇禎二年十一月二十一日具

題本月二十六日奉

聖旨知道了欽此

袁督師兵總發草料飲食疏

題爲欽奉

聖諭事本月二十日接出

聖諭傳戶部聞警傳喚人馬在東便門上少草料飲食疾快送去勿緩欽此臣等連夜措辦麵餅熟料於三更時分臣親赴

崇文門督同司官給發因有

御前賞賚先發直候至天明始得陸續總城給發甫至午刻因虜警戒嚴輒遵城禁中止臣雖視督

師之疲困猶已而不得不還城禁也盡具
止發得燒餅九萬六千五百七十個熟豆一
二千右高粱八十石草三千煑熟肉二千斤燒
酒二千斤尚有不能盡發者復歛之而歸日
甚短既不敢暮發又不散晚發何以贍督師之
用且自

崇文城角至督師制營處已隔數里又隔兩重城
牆臣以一繩懸食物而下載車南行始上

廣渠門牆又復縋城而下不知經幾手而後達於

督師何以濟督師之急況中隔一城兩不照管
從中搬運者能無浸漁何以使臣部之所發者
盡爲督師之所用臣每思維草料飲食難免匱
乏而欲於兩重城墻之外呼應迅速則萬萬不
所不能非臣部敢視爲緩圖也夫以賊薄城下
門禁誠爲第一要務而門外之官兵卽所與共衝
此

宸居者也萬一饑餓不能荷戈則

門禁又爲第二義矣督師一軍臣督司官

料已窮日夜之力幾無刻晷之暇乃事竣刻期
已出者不得復入未出者不及繼出如

崇文門外見貯積運督師行糧米二百石見一
石去役數百守候三日進退皆不能自主萬一
諸軍脫巾臣身負罪不足惜其關係有不忍言
者雖奉

上日出開門日落下鍵之

旨而守門各官悉飭職掌尚未敢率意奉行致且
給餉有心呼天無路卽外城七門各軍口糧亦

有耽閣阻隔不能湊補直達者及查內而
安定德勝等六門外而

永定廣寧等七門其不容擅開固也若

正陽崇文宣武三門局固重城之內一開仍有一
閉卽暫時啓閉似亦無妨若一併責令縋城寧
不以展轉搬運而誤事乎合無請乞

皇上睿裁特令守門勲衛科道等官凡遇臣部運到
糧料許暫開放出交完仍暫開放入但隨啓隨
閉不許聞人來雜仍令督師差官二人在於城

內傳報消息漕輸糧料似亦時事之萬不容已者也臣草疏已畢接報見督師袁崇煥一本爲乞給援兵一飽一煖等事再奉

皇上糧料草束着戶部原委司官立刻續運之

嚴旨臣堂屬各官真手足無措徬徨不知所出第無

奈

門禁之森肅何耳臣據實題

請仰惟我

皇上立賜裁督施行臣愚幸甚城守幸甚所有原奉

聖諭合行

進繳臣無任叩

聞待

命之至

崇禎二年十一月二十二日具

題本月二十六日奉

聖旨門禁啓閉已有旨糧料按時出入本營互相接
應庶無耽誤該衙門知道欽此

會議民夫口糧疏

題爲會議民夫口糧事本月二十二日伏蒙
平臺

召對臣因民夫口糧未定恭請

皇上裁奪

皇上面諭臣等確議具奏欽此欽遵隨該臣於二十
三日申時會同巡視五城御史譚汝偉田時震
劉學詩羅世錦楊通宇朱泰禎等在于東

朝房內公議民夫一節責以登城協守似與營軍

同體食米等項相應照例給發惟是親族卽在
城中雖無津貼而尚有可仰給之人且新經挑
選未諳技藝止堪從旁協助較之營軍終覺稍
有分別今議民夫一名日給本色米二升鹽菜
銀二分不豐不啻衆議僉謂適中約以二十四
日爲始按日給發蓋旣借其力以爲防衛則不
得不糊其口以示優贍在民夫一旦得領銀米
無不感而思奮在京軍又見民夫不能比隆必
且益知勸勉矣但東城西城業已移送民夫姓

名文冊到部而中城南城北城尚未見到并無
確數難以坐放見在催取文冊創行倉庫給發
伏候

聖明裁酌宸斷施行

崇禎二年十一月二十四日具

題本月二十六日奉

聖旨民夫口糧依議務照京軍按期給散該城未送
名冊作速送部不得延緩欽此

添委司官管理京營行糧疏

題爲奉

旨劄營城外等事准兵部咨該總督戎政李守筠題
前事奉

聖旨是就發御前銀二萬兩分犒兩營將士副將施
洪謨袁信各賞銀五十兩紵絲二表裡叅將佐擊
把總等官總提協以次分資便整棚器械隨帶戰
車出城與督師袁崇煥據險犄角靠城扎營相機
堵擊有能奮勇當敵或設奇聽營立功制勝者與

入援將士一體破格賞擢糧料戶部添委司官
專運遲悞必罪不饒該衙門知道欽此案查先該
臣部題爲援兵糧料草束輸輓甚艱等事奉

聖旨援兵糧料悉屬該部今張鴻功兵又到速派司
官運給不得遲悞兵部工部各定撥大車十輛仍
將管車司官姓名奏知車戶逃誤者軍法從事專
撥護運兵將兵部卽撥具奏商人料草依議允支
南居益回京理餉該部知道欽此又該臣奉到
聖旨論援兵在外行糧料草刻不容緩爾卽坐名分委

能幹司官隨時繼城絡與欽此欽遵爲照援兵行糧草料詎得刻畧延緩重以

天語有赫屢經申飭臣等敢不晝夜拮据卽專官以辦臣尚虞其不能勝任敢不分委但查自有奴倣以來臣部委原任四川司員外李孔度原任江西司員外劉維禎分管援兵行糧而下糧廳係坐派京營及援兵本色者先該臣題差原任浙江司主事秦羽明管理乃一日而三臣俱調用兵部矣臣又分派坐門挨放京軍食米司官

一十六員而臣部虛無人矣此時承行料理
有新餉司郎中范鑛邊餉司郎中王肇生劄派
料豆止有雲南司郎中楊應震劄運糧米止有
京糧廳郎中趙建極及先該臣題委山西司員
外郎黃中色赴通接運薊州候

旨未下今督師已移駐近城臣委中色卽在城上專
管交卸糧料草束其草束之在三里河者臣委
浙江司新任主事丁明登專管接應督師一軍
其草束之在五場者有原題差主事李不伐吳

起龍供應京營及各路援兵臣又虞二臣不能
卒辦臣又委廣東司郎中史起元河南司郎中
米世發山西司主事耿啓分放南城收買料豆
臣又委崇文門主事劉錫而此外臣部無辦公
矣今張鴻功咫尺近京而各路援兵又計日踵
至兼以京營選鋒出城又需專委兩員供應此
皆必不可缺者查有臣部原題造賦役全書刑
部山東司主事陳振豪已蒙

俞旨見在候調因無見缺吏部尚未填補合無辭行

添註臣部山東司到任管事臣又訪得見任生
林苑監正六品服俸管典簿事李纂辦中書舍
人事工部管繕司主事李學禮皆負有長才綽
能幹辦查舊例臣部解銀各邊往往借差今無
卽赴臣部委用其李纂曾任京卿職銜今仍量
加臣部主事用示鼓舞俟事平日容臣一體題
敘優擢伏候

命下臣委李纂卽同陳振豪專管京軍出防二營糧
銓行糧料草委李學禮專管張鴻功行糧料草

庶事以得人立辦而殲虜必在旦夕間也臣等
可任悚息待

命之至

崇禎二年十一月二十四日具

題十二月初二日奉

聖旨陳振豪改司添註併李慕李學禮著先劄委管
事改官填司吏部卽與題覆欽此

酌議城守軍丁本色行糧疏

題爲酌議城守軍丁本色行糧事宜事竊照目今
城守戒嚴各軍倍宜優卹其初二日起至二十
一日止共給行糧四次本折不等俱已支領轉
解矣嗣是奉有

聖諭城守各軍此時應給本色馬軍無處買草卽將
京五草場給與欽此臣卽出示自一十二日起至
二十六日糧料草束應給本色鹽菜煤米應給
折色折色卽行太倉銀庫解至總協衙門給散

本色米豆劄行各倉草束劄行京五草場各照
給發其守塚各軍內城外城共計五萬餘名時
刻難離臣已轉運倉米收貯各門按名給散惟
遊防各兵之在城下者尚該六萬餘人米數既
多轉運不易并各料豆俱令仍赴各倉輪流支
領爲便若必盡行轉運不惟車輛難顧抑且糜
費不貲如以每軍五日領米一斗瑣屑不便則
聽十日一領每人二斗亦無不可至於草束尤
屬輕浮計五日所支約須草九萬束舊時車輛

人夫強半軍丁充當今俱信守無從覓猜卽令
黽勉運至城下仍有看守之艱候交之煩而又
有沿途抽竊之虞一切腳價殷煩孰非

朝廷金錢誠不如各軍總領之爲愈也竊照京五草
場原係臣部司官二人分管臣因支草事煩時
日難待業於每場各派司官一人監放其應給
草束聽各營自擇便利赴附近草場支領臣部
司官終日坐場守候給發毋遲時刻且十月分
年例草束亦在支領之列若以五日行糧草束

當運城下則十月分草束又將如之何也至且
之間爲時無幾若前運未完而後運復至違悞
稽遲則臣罪不容誅矣目今臣部轉運各門城
軍口糧米又轉運督師及各處援兵糧料草束
大費拮据今京軍二營又將出防城外且山西
援兵五千有奇亦報至矣臣部職在典餉自不
得不竭蹶供之若夫城內運草運料及運遊防
各軍之米臣部似難分身四應未免顧此而失
彼求速而得遲也卽云城守方亟若各軍以三

分之二在信巡防而以三分之一輪流支領庶
幾軍馬早獲接濟而城守亦可不至曠廢俾臣
部得以全力專供援兵致力於所最急之處則
便計也至於守垛軍丁臣自二十二日爲始業
已給散城門米自行炊爨所有煤炭一節亦費
區處憶前初六日

平臺

召對總協二臣與臣面議京軍天寒量加煤炭五釐
臣已具題給發今若再給造飯煤炭似屬重出

臣雖每門發銀一百兩令各司官收買煤炭旋
值虜警煤來入京稀少收買無幾且先是題奉
欽依令順天府動支解部并那湊銀三千五百兩分
發宛大二縣及五城各五百兩買煤近據回報
止發臣部銀一千四百兩每處二百兩其曾否
買完尚未報有煤炭細數卽欲奏辦給發亦數
日立盡耳再行索取則誼譁可慮也說者又欲
責令五城置買乾柴等項應用但未題奉

明旨誠恐五城未肯奉行亦慮騷擾小民未見爲便

以臣愚見不知每軍再加煤炭銀五釐仍令火
軍隨便問買柴薪應用但給守垛額米之軍而
諸軍不得與焉亦一時濟變之權宜也伏惟

皇上裁奪施行

崇禎二年十一月二十四日具

題本月二十六日奉

聖旨守垛軍本折運給并加添煤炭銀數知道了遊防
兵行糧草束亦着速與運給勿致稽悞該衙門知
道欽此

回奏督師軍中糧料疏

題爲遵

旨回奏事本月二十四日戌時接據

上傳內閣傳示戶部督師軍中糧料屢旨速給如何
只是缺乏今後務期接濟如仍前延緩致悞軍機
罪責有歸已發到營若干先具疏奏來欽此臣讀
之不勝股栗夫臣與督師兵食相資亦已一年
餘矣前此未有虜警督師無疏不謂臣事事應
手而顧於今日忍以延緩視之乎又敢以延緩

視之乎其中是發參差不齊之故與夫開闢不
通之情故冒昧爲

皇上陳之臣于本月十七日亥時始聞督師兵到時
已漏下三鼓臣卽燈下檄各司官速辦米豆御
御馬場司官速辦草束十八日黎明登車差司官
范鑠王肇生親押解運至

崇文門格于

門禁羈留許久而後得出至

左安門而

門禁益嚴羈留益久幸兩司官隨

欽賞內使得出城與袁督師一面乃定米豆從城墻
垛口溜下草束亦從城墻垛口丟下之議彼時
已屆申酉時矣兩司官交與臣部原委司官黃
中色查放星馳報臣止范鑛得入而王肇生關
鎖城外則其時晚可知也本日發去數目則米
四百石豆二百四十石草一萬餘束也十九日
臣差人往查云十八日天時已晚垛口甚隘溜
發未完正方補發臣于二十日復劄祿米倉米

二百石豆二百石催草二萬束以爲接濟計
甫到

左安門豆未出

崇文門止運完草束而督師聞警移營之報至矣
移營時正牆頭溜豆時牆根尚拋豆如許內外
兩不及管竟付烏有在督師雖未粒粒實用然
非臣部延緩之罪也二十日戌時始聞督師戰
捷收兵劄營於

廣渠門下未便舉火亟需熟食時

文門已下鍵矣臣徹夜未寢親督司屬炒料豆
遍差員役製餅食問肉脯三鼓親詣牆頭督司
官運發乃信地森嚴天明尚不得以食料縋城
而下臣拊膺頓足芒負欲死而格于無可奈何
巡城臺省諸臣皆見之臣部實未敢延緩也猶
幸

皇上珍膳渥頒督師以及將士可無饑色二十一日
自寅時發起止發得炒料豆一百二十石餅九
萬六千五百七十個熟肉二千斤高粱八十石

燒酒一千斤草三千束倏聞傳烽信地倍益戒
嚴牆頭食料尚多剩不能全發萬耳萬目皆見
之卽已發者兩番縋城疊經更代之手臣尚惴
之虞其不得實用何敢泄泄付之延緩也二十
二日城門未開臣一面具疏額

請開門一面行催員外黃中色將前運未發米二百
石作速發完又發料豆四百九十一石運至

崇文門東西角城縋下因隔城溜發甚難臣復于
二十三日特差司官薛邦瑞親督過發今已報

完二十三日始開

正陽門臣從本門發過料豆一百七十四石又

崇文門主事劉鎬報發過料豆一百石二十四日

奉有

明旨崇文門門禁稍寬除劄倉場運發米四百石外

臣部自發料豆四百石又劉主事報發過生熟

料豆二百石高粱一百石至于草束則貯在三

里河有草二十餘萬與

廣渠門止隔一重城牆臣已叮委司官丁明登儘

力運發每日務足一萬餘束矣米則制京糧屬
主事趙建極照督師來揭此後每日發一百五
十石矣二十四日發運獨多者非臣部措辦初
裕也則開門後運發較易也此臣部發運多寡
之數而先後難易之大較也自茲以往不思臣
部不能運出以貯於

廣渠門內而患

廣渠門內不能縫出以達于督師營中其說有二
一則牆頭之禁甚嚴也既不許督師將士呼何

項有何項無亦不許臣部司官問何項先何
後以彼此緩急何以響應一則督師營中之支
領無憑也未發不知應發何營既發不知實領
何據恐近便領而疎遠未領將士知而督師未
知仍曰缺乏臣亦何辭臣言命及此深懼血脉
不通終釀臣莫赦之罪已行令司官黃中色貨
一寬厰房舍於

廣渠門邊米豆草束儘運多貯以候督師支用務
使隨呼隨應隨取隨足庶可以慰

皇上聰懷之思遂督師飽騰之念然必如臣前所
勅督師差官二員赴

廣渠門內同臣部司官眼同支領縫滴而下督師
帷幄運籌不暇問瑣屑之事實收數目亦望督
師差官照數實填以備查考庶先後多寡臣部
亦實有所據以便奏

聞若仍前城堞內外一字不通實收數目一字無憑
臣卽竭盡頂踵以效犬馬之力恐亦無逃于

斧鉞之誅也至於

廣渠城墻垛口溜糧處所仍望

皇上特頒

勅諭糧到卽溜無使以城禁阻撓則接濟當源源而
至矣臣豈不知虜警孔棘內外關防應萬分嚴
緊然督師尚能邀

皇上召見之恩臣部司官亦蒙

皇上繼城給與之

旨而城禁不惟不許繼城并不許上下接一語致城
上欲發而城下不知城下欲收而城上不知冬

日短晷稍一等待又虛度一日其悞軍

國不小也臣草疏已畢適

廣渠門差役歸臣詢昨日發營糧料云昨日督師
召對入城一切糧草城頭遂禁不許發至午過始得
陸續溜下尚不及三之一嗟乎臣部內外湊發
料豆昨日實有七百石之多皆守候於

廣渠門邊隔絕不能出城臣將奈何伏乞

皇上速勅寬禁并許臣部司官不時縋城得與督師
商確不論朝夕設法發運督師幸甚臣部幸甚

城守幸甚

崇禎二年十一月二十五日具

題

聖旨

酌定廣渠門外運發糧料之法疏

題爲酌定

廣渠門外運發糧料之法懇乞

聖明申飭以免稽悞事臣于昨日具有遵

旨回奏一疏已將督師糧料運發之數隔城之艱備
悉上聞矣臣一面具

奏一面商之臣同官右侍郎錢春思所以爲過運
計臣同官謂臣曰非親向督師商確所運之地
所收之人使中外照應必不克濟爾部務殷繁

不得出予代之往於是單騎而出司官范繼隨之親詣城頭與督師對面商確督師於是斟酌派定分爲三處收而以三人分管其一爲前鋒祖總兵部下兵馬則以通判安國練管收于城牆之中其一爲寧遠協將何可綱部下兵馬則以都司劉成功管收于城牆之北其一爲前協副將張弘謨部下兵馬則以遊擊楊邦澤管收於城牆之南分則不亂且得均平臣昨疏中所慮近便傾而踈遠未領將士知而督師未知者

可無憂矣督師分收之法既定則臣部分運之法亦應隨之臣請設司官一員于

廣渠門內專管總收凡各處運到米豆草束本官隨到隨收無頃刻稽遲使車脚得以廻環續運臣部雲南司主事薛邦瑞堪斯任也請設司官一員于

廣渠門內專管總放凡應放米豆草束本官查督師開送兵馬數目分作三處派發無短少互混使兵卒得以分頭支領臣部原委員外黃中色

堪斯任也三處米豆草束督運上城督放下城
皆不可無人查得關內外及延綏原有領餉委
官皆帶有職銜諳於運務者臣請委加銜都司
陳諫加銜守備郭重詔管放城牆之中加銜都
司徐士昌加銜守備賈得金管放城牆之北加
銜都司束可久加銜守備傅尚謙管放城牆之
南加銜守備沈澆戴澤專管收發草束每一處
有兩人以一督運上城以一督放下城各有頭
緒矣至於奔走使令護送運發亦皆不可無人

查得兵部移送臣部巡軍六百名今于其中撥
一百名今四處委官各分管二十五名聽驅使
效用無憂乏人矣臣與同官嘔心籌畫以期遄
運者如此至於緊要申飭則在約定三處勿再
遷徙使人易從又須於三處各許以堦口三隙
米豆草束各占一隙使分溜愈速又須諭城守
各官共急軍儲共圖接濟無日戒嚴無日傳烽
遂掣司運之肘而斷轉輸之路蓋城堞止須稽
查奸細不必阻攔餉道若遇大戰正須飽騰固

不妨對敵者自對敵而收放者自收放若謂軍機所關恐有溷雜則

廣渠有內外坐門文武官員

皇上勅令不時稽查當無不清肅者伏乞詳頒

明旨容臣部知所遵守并曉諭城堞免致仍前隔閡庶內外疏通糧料不匱而臣部亦得免於罪譴若夫米豆草束臣已派定司倉司門司場各官按日分運分發若不竭力輸將當有任其責者矣臣無任跼蹐懇切之至

崇禎二年十一月二十六日具

給發副協理新兵本折糧餉疏

題爲給發新兵本折糧餉事本月二十日准副協理京營戎政兵部右侍郎劉之綸咨前事內稱賊奴犯順時勢孔亟除在京官軍固守外非招募武健不足收羣策羣力之用非延攬豪傑不足成萬舉萬全之功此須臾不容緩者然募士必得重賞師行必藉糧草爲此合咨前去處給銀一萬兩以爲軍前便宜急需俟事平之日另行銷算如數給發施行等因到部該臣隨批新

餉庫發銀一萬兩卽於本日給發訖續於二十
四日又准

欽命叅佐軍務翰林院庶吉士兼山東道監察御史
金聲手本爲緊急夷情事內稱虜情孔迫本院
會同協府卽刻統兵力戰所有兵丁戰馬急需
草料相應亟請爲此合用手本前去戶部專理
邊餉司立刻呈堂速具兵丁三千名戰馬一千
匹所需料豆草束查照出征兵馬成數速運軍
前毋遲片畧致悞軍情立候速速等因該臣批

行邊餉司查照出征事例每馬一匹日給草一
束料豆三升每軍丁一名日給鹽菜銀三分本
色米二升計馬一千匹五日共該草五千束共
該料豆一百五十石計軍丁三千名五日共該
鹽菜銀四百五十兩本色米三百石俱于二十
五日已經交卸軍前訖爲照此一役出於以遠
在郊之戎馬用邊匪茹之小醜我

皇上不難超格擢用而臣部又何敢不拮据以供億
悉索敝賦惟力是視期剪滅此虜而後朝食也

除陸續措辦務期接濟外所有給發過
兩料豆草束數目臣等可任悚息之至理合具
本謹具題

知

崇禎二年十一月二十七日具

題本月二十九日奉

聖旨這所奏給過劉之綸銀兩并新兵糧草數目知
道了咨到立發具見急公還預圖接濟毋致匱乏
該部申飭行欽此

題議門軍口糧鹽菜疏

題爲懇乞一跡同仁以廣

皇恩事司務廳案呈准巡視

崇文門科院許世盡余昌祚勛思恂等手本據門
軍陳才等稟前事內稱敵愾禦侮凡屬士卒盡
瘁維均則沾恩宜遍今奴酋逆逞以致

當寧宵旰派各軍分隊預防乃營軍每名給商舖錢
四十文而城舖又爲所占且每日賞口糧二升
錢十四文獨門軍五百餘人毫不蒙惠其風霜

雨雪侵肌骨既無處可以棲身而嗷嗷待哺
又無計可以糊口且防豫以來不解甲不獲
者半月餘矣凍餒相繼盡若鵠形見者人人
惻才等志在報

國而朝夕不保卽有奮勇當先之氣恐虜未至而
身先殞矣懇乞會一視之仁凡窩舖口糧日錢
照營軍一例給散庶各軍共沐撫餒得以盡力
効忠不致饑寒迫身轉爲溝中瘠等情據此爲
照守禦城門軍役事同一體當此隆冬嚴寒凍

餒可憫城軍搭蓋窩舖日給糧錢已得棲身養
銳門軍比例乞討似宜准從給與相應移會為
此合用手本前去戶部司務廳即便呈堂煩將
守門軍人照守城各營軍例希為題

請給與口糧日錢庶可養銳効力等因案呈到部該
臣等看得自虜倣日戒啓閉益肅門軍晝夜勞
瘁又值寒天誠可憐念宜巡視科院之代為陳
請也此不獨

崇文一門為然卽內外十六門皆同之矣查各軍

原有月米令照各城民夫例每月每人再加長糧米二升鹽菜銀二分用示體恤以重

禁門擊析之令仍移各門巡視科院速行點查開白移會臣部照數給發自奉

旨之日爲始俟事平日仍照舊食糧不爲例臣因是而竊有請焉臣以犒軍轉餉之役一再至城上器具無不周備官軍時刻隄防蠢爾小醜何敢仰窺惟是外七門城較之內城頗覺祗緩爾又首當虜衝似應倍爲防禦臣聞通州之哨上下

注水結成冰城滑而且堅虜人望而却步最得
隨時應變之宜且亦古人已試之策合行南城
各司坊分派臨城民夫一門運水若干車官照
尋常買水給價自上注下限二日內澆完或再
令附城居民不拘何器隨便傾注亦一法也賊
卽有扳援之技亦窮于無所施矣此策最爲平
常取効目前一挹注之勞而成磐石之固伏惟

聖明採納施行

崇禎二年十一月二十七日具

報發尤岱文光行糧疏

題爲恭報發過援兵行糧事本月二十七日伏蒙
上傳臣等長跪捧讀具知通州叅將尤岱統兵三千
至

東便門駐扎該臣等卽於本日給發麪餅三萬個
熟肉五百斤燒酒三百斤米一百二十石料豆
一百石草三千束又於二十八日續發料豆一
百石草二千二百束已經開數付傳宣官回

奏訖二十九日又發料豆一百石米六十石草三

千束又發將官尤岱官軍十日廩給鹽菜銀八
百六十兩七錢以後按日給發又二十八日夜
間准兵部咨內稱大同鎮中軍文光統領兵士
一千名已到

德勝門外該臣等於本夜卽發麪餅一萬個熟肉
二百七十斤黃酒二百斤米一百石料豆六十
石草一千束又發十日鹽菜銀三百兩俟該將
官報有官軍的數另算以後按日給發爲照師
行糧從臣所習聞重以間關入援敢不倍爲軫

念惟是臣部原無偵探人役卽臨時拮据湊辦而猶恐蒞止者有饑渴之患也伏乞

撥下兵部但探有援兵將到附於何門駐扎爲數若干先期一日預咨臣部庶轉運有定向而勞頓得食息於以慰拊髀之

聖思而壯敵愾之聲勢在此舉矣臣等可任悚息之至

崇禎二年十二月初一日具

題本月初四日奉

聖旨知道了以後凡援兵到城外兵部卽探明數目
及駐扎處所預咨戶部給散糧料各不得稽延取
罪該衙門知道欽此

給發滿帥行糧確數疏

題爲

奏報給發滿帥行糧確數仰祈

聖鑒事臣屢奉

上傳催發總兵滿桂兵馬行糧欽此臣查得大同總
兵滿桂本月十九日初到

德勝門外臣卽發運過料豆五百石草一千四十
六束又發過行糧銀五千兩俱收訖又發米一
百石緣與賊戰時未及收嗣于本月二十三日

報該鎮移入本門甕城之內臣部隨運熟餅
萬枚熟肉三百斤黃酒三百斤將前發未收
一百石再加米二十石料豆二十石草一千束
分割給發仍委

德勝門坐門司官林一柱料理既又聞該鎮移駐
永定門隨于二十七日割發米三十石料豆八十
石草一千束本日止交豆十二石二十八日同
傳宣內監交米二十石豆六十八石草一千束三十
九日又交米十石共完前割發之數又據臣

原委坐門司官員外郎林一桂呈稱滿總鎮于
本月二十三日纔進

德勝門甕城至二十四日北新等倉運到糧米豆
草等項登城交付滿鎮滿鎮將草收訖將米豆
轉付守門內監收管俟陸續取用時倉抗頭趙
龍等遂將米豆俱用斛量準交付訖至二十五
日滿鎮復調援

永定門其米豆現貯未動等因到臣而後知臣部
之先發與滿鎮者滿桂皆未及用也發于

德勝門外者匆匆迎敵尚拋豆如許于火神廟前
無人收領發于薨城內者又寄貯未及支用而
倏以調援去固宜滿鎮之以無糧疾呼而不知
臣部東奔西馳處處照管未嘗敢須臾緩也今
旣移駐

永定門業有定所臣部源源接濟庶有着落且前
寄貯者又聞該鎮今已運至本門庶幾益助飽
騰而愈奮敵愾矣事關軍餉不敢不據實奏

聞臣等無任惶悚待

命之至

崇禎二年十二月初一日具

題本月初四日奉

聖旨知道了滿桂已有新命所需芻餉着益加意料
理務期接濟欽此

急調司官以備料理行糧疏

題爲急調司官以備料理行糧事案查臣部接奉
聖諭援兵在外行糧草料刻不容緩爾卽坐名分委
能幹司官隨時繼城給與欽此欽遵爲照臣部見
在司官以十六門分委矣以運米運豆運草儲
集矣目今援兵叠至又屢奉專官運給之

旨郎署一空其將安委查得刑部陝西司主事李士
元刑部雲南司主事趙炯中兵馬司指揮劉賜
桂北城兵馬司指揮姬文郁皆起家民社饒有

才具堪備理繁應變之選伏乞

皇上俯允臣請將前官四員改調臣部山東山西
司各添註二員以充任使俟效有勞勩事平一
體優敘又臣前具疏請將臣部原題造賦役全
書刑部山東司主事陳振豪見任上林苑監正
六品服俸管典簿事李綦管京軍出防二管選
鋒行糧料草辦中書舍人事工部管繕司主事
李學禮專管張鴻功行糧料草連日候

旨未下今京軍已出防而張鴻功兵亦將至矣似難

久待且李蓁曾任京卿職銜應徑添註臣部王
事事平一體優敘庶運餉得人飽騰有賴立掃
腥羶無難矣伏候

命下臣部委用施行

崇禎二年十二月初一日具

題本月初四日奉

聖旨這所請更調司官卽與覆行陳振豪等已有旨
了該部知道欽此

給發援兵行糧疏

題爲給發援兵行糧事本月初一日接兵部咨爲
酌調通兵等事內稱制國柱所統步兵一千六
百八十名馬兵三百三十員名于十一月二十
九日已到

廣渠門外與關寧兵馬合營等因又于本日接兵
部咨爲緊急夷情事內稱宣府東路遊擊鄧祖
禹帶領馬兵四百五十五員名步兵二百二十
四名先赴應機其王邦政續後亦至等因到部

該臣部探知劉國柱援兵將到已於前月二十
九日置辦燒餅二萬箇燒酒三百斤又劄發
三十一石料十一石草三百五十束接濟仍行
各該管司官照數每日一運訖又劄庫預發十
日行糧鹽菜銀六百兩訖鄧祖禹援兵已置辦
燒餅七千箇熟肉一百斤黃酒一百斤又劄發
米三十石豆三十石草一千束仍行各該管司
官照數每日一運訖其王邦政援兵于昨夕夜
半時亦聞將到已經將熟食并米豆草束分派

各司預運聽候給發事關軍機臣竭力接應不敢稽遲理合題

知

崇禎二年十二月初二日具

題本月初三日奉

聖旨糧料預發聽給知道了還查兵馬確數兼可因
餉覈兵該衙門知道欽此

率屬捐貲以助軍餉疏

題爲虜騎生郊同仇念切謹率屬捐資以助軍餉
事爲照夷虜匪茹突入內地虔劉我邊鄙蹂躪
我畿甸屠戮我蒼黔此誠乾坤不經見之變而
臣子不共戴之仇也幸賴

聖明天縱

廟算淵涵援兵疊至胡運天亡奮揚我武大張撻伐
雪耻除兇當在指顧間矣臣等叨荷

聖恩備員九列

主憂臣辱恨不滅此而後朝食况職司會計目擊匱乏尤切皇皇瓶壘之憂謹同合屬各捐已資共得銀五千七十餘兩少充援兵行糧之需雖涓滴無補於汪洋而土壤何增於泰岱然芹曝私衷誼不容已亦聊以申同仇之忱而明子來之義云爾恭候

命下臣部行令太倉銀庫照數查收支放施行
計開

見在尚書一員捐銀二百兩

左右侍郎三員各捐銀一百兩共銀三百兩
司穡二員 照磨一員 簡校一員各捐
銀二十五兩共銀一百兩

鄉中一十七員又已陞未出京者三員各
捐銀五十兩共銀一千兩

員外郎一十五員 主事五十六員各捐
銀四十三兩共銀三千五十三兩

內有關差四員餉差十二員倉差除京通
外各省直五員不拘鄉中員外主事職銜

各加銀二十兩共銀三百八十兩

以上通共捐銀五千七十三兩

崇禎二年十二月初二日具

題本月初三日奉

聖旨卿部拮据餉務捐貲具見急公著太倉銀庫查
收佐用該衙門知道欽此

原缺

命下臣部以便給發施行

崇禎二年十二月初三日具

題本月初五日奏

聖旨劉之綸經定官軍若干員名冊報給餉不致參
差該部知道欽此

奏報京軍匝月行糧料草疏

題爲京軍支放行糧料草匝月告竣謹據實

奏報以祈

聖鑒事頃自賊夷匪茹侵犯畿甸我

皇上焦勞戒愼神武震疊內爲守禦之備外振撻伐
之威今已匝月矣臣部支放三大營城守官軍
行糧料草爲本爲折按期給發夙夜黽勉無敢
頃刻緩者敢據實爲我

皇上陳之第一次自十一月初二日起至初六日止

官軍十萬六千名內有班軍四千名俱每名日
給鹽菜銀二分共銀一萬六百兩馬一萬七千
四百七十三匹每匹日給料草銀三分共銀二
千六百二十兩九錢五分俱總協差官毛祖讓
等於本月初三日領訖每名日給米二升共米
一萬六百石劄倉各軍自領又自初六日起至
十一日止因天氣寒沍除班軍四千名免加外
其餘官軍十萬二千名每名日加煤炭銀五釐
計支六日共銀三千六十兩總協差官毛祖讓

等於十二日領訖第二次初七日起至十一日
止官軍班軍每名日給鹽菜銀二分共銀一萬
六百兩馬匹日支料草銀三分共銀二千六百
二十兩九錢五分總協差官毛祖讓等於初八
日領訖其口糧米奉

旨折銀每日二升折銀一分五釐該太倉差庫官馮
一正於十七日解訖第三次自十二日起至十
六日止官軍十萬五千六百九十四員名內班
軍四千名每名日給鹽菜銀二分其餘俱給二

分五釐共銀一萬五千一十七兩五錢馬一萬
七千一百三十四匹每匹日支料草銀三分共
~~銀~~二千五百七十兩二項共銀一萬七千五百
八十七兩六錢俱行寶泉局員外米世發每銀
一錢折錢七十文共錢一千二百三十一萬一
千三百二十文於十六日解總協軍門收訖其
米奉

旨每米二升折銀二分共銀一萬五百六十九兩四
錢總協差官張文謨等於十六日領訖第四次

自十七日起至二十一日止官軍十萬五千六百九十四員名官軍俱因有警各加鹽菜銀五釐內班軍四千名每名日給鹽菜銀二分五釐其餘官軍俱給三分共銀一萬五千七百五十四兩一錢每名日給米折銀二分共銀一萬五百六十九兩四錢馬一萬七千一百三十四匹亦因有警各加料草銀一分每匹日支料草銀四分共銀三千四百二十六兩八錢該太倉差庫官馮一正於二十一日解總協軍門收訖第

五次自二十二日起至二十六日止官軍十萬
五千六百九十四員名內班軍四千名每名日
給鹽菜銀二分五釐其餘俱給三分共銀一萬
五千七百五十四兩一錢該太倉差庫官馮一
正於二十四日解總協軍門收訖官軍每名日
給米二升共該米一萬五百六十九石四斗俱
運赴各門司官監放訖馬每匹日給料豆三升
共料二千五百七十石軍日給草一束共草八
萬五千六百七十束俱劄各倉及草場支領訖

第六次二十七日起至十二月初二日止官軍
十萬五千六百九十四員名內班軍四千名每
名日給鹽菜銀二分五釐其餘俱給三分共銀
一萬五千七百五十四兩一錢每名日給米折
銀二分共銀一萬五百六十九兩四錢俱新餉
庫差原解官程希堯於二十八日解總協軍門
收訖馬匹料草俱給本色共料豆二千五百七
十石一斗草八萬五千六百七十束俱劄各倉
及草場見在支領總之匝月之內行糧料草應

放六次初次止於鹽菜銀二分本色米二升
二次因天氣寒沍量加煤炭銀五釐惟班軍四
千未加又奉

旨半改折色每米二升折銀一分五釐三次鹽菜煤
炭銀仍是二分五釐因奉

旨米二升折銀二分又每名加五釐四次因報虜警
鹽菜又加五釐米仍折銀二分馬匹料草每匹
每日加銀一分是步軍每日得銀五分馬軍每
日得銀九分也五次奉

青稞料草束仍給本色每軍支米二升每馬支料三升草一束實得鹽菜煤炭銀三分六次馬匹料草仍支本色鹽菜照舊三分其米因價頗平各軍利於得折又復折銀二分蓋一月之內米與料草各給本色者二次而其餘皆折色也爲本爲折一聽各軍之自便總協之印領而臣部不敢專焉至於臣部具題自十七日起五月每垛軍給姜椒銀五釐折錢三文自二十二日起五日每垛軍給姜椒煤炭銀一分折錢七文自二

十七日起五日每垛軍儘各門司官所買煤炭
日給一斤其不給者每日給銀五釐姜椒錢仍
舊皆在正項行糧料草之外曲爲軫卹是

聖恩漸增漸厚似已無復可加矣先是臣部例候總
協委官具領方行給發嗣因城守戒嚴恐以候
領愆期臣部因行題

請每次查照前次數目預爲湊辦轉解以徐俟印領
之至其中軍數銀數不無小有叅差容臣移查
明白改正銷算者也惟是兵馬數多整鑿包封

勢不能無需時日乃臣部實已先期給發未敢
少有怠緩於其間也夫以京軍城守倏經匝月
戴雪披霜倍萬可憫在

聖明猶軫痼瘼之念在臣部敢辭竭蹶之勞兼以行
糧料草頭緒多端事關軍興錢糧爲重輒敢喋
喋備陳顛末伏惟

聖明俯賜鑒察庶臣部可少追於溺職之罪矣臣等
可任惶悚隕越之至

崇禎二年十二月初四日具

題本月初七日奉

聖旨是欽此

通州寄庫軍餉通融支用疏

題爲軍需原無額設仰懇

天恩俯允借支以應急需事本月初三日接戶科抄
出少師兼太子太師兵部尚書中極殿大學士
督理軍務孫承宗題前事等因奉

聖旨這所請寄貯邊餉等項銀兩着戶部卽行覆奏
以便動支該部知道欽此又于本日准禮部咨爲
賞犒

貢夷事內稱朵夷三衛夷人入

貢適當奴賊入犯之時業經本部具題奉

聖旨貢夷安頓防範已有旨了還照常賞犒欽此題
經差官往通州將各夷譯審明白備咨工部備
折段銀三千四百七十四兩折靴襪銀三十七
兩八錢咨貴部折裏絹生絹銀一千五十一兩
八錢六分各部各將賞物運至通州散給不謂
時當奴報緊急運銀各役不能前行復經本部
具題奉

聖旨貢夷賞物着兵部速撥軍護送給散夷人暫遇

防範押夷將官着查取影衙門知道欽此今奴才
未靖出沒郊原數千銀兩何能得至通州查得
貴部通州有糧儲銀可以那用相應移咨貴部
煩爲移文前去查照咨內銀數共四千五百六
十三兩六錢六分整鑿包封如虧折自有成規
給發賞完之日本部卽將戶工二部見銀立解
補還均係

國計庶爲兩便等因到部該臣等查得臣部于十
月二十七日發解關內外邊餉銀六萬八千三

百四十九兩有奇因虜警道塞仍解回通州坐糧廳郎中丁流芳寄貯繼因薊鎮月餉與乞運召買俱需用甚急臣部解發前往委官李景等未至通州輒被虜殺傷復返臣計無從出遂于前項寄銀內撥運薊鎮銀三萬兩乞運廳召買銀一萬兩就便解用不虞運薊之途并塞而召買之局且未竣也通州倉卒軍興系毫無備總督倉場借發軍需銀一萬一千兩巡關御史具題借支軍需銀二千兩皆權宜應變之計目下

腐氛未息援兵待哺于通者尚多乞運召買未
竣銀兩仍應留之爲召買之具此外見貯銀及
發薊未解銀尚應有四萬五千兩有奇合無准
禮部允撥四千五百六十三兩大錢六分以爲
犒賞

貢夷之用餘俱如閣部議從便借用事完銷算臣
部原發禮部折絹銀一千五十一兩八錢六分
并工部原發禮部備折段銀三千五百十一兩
八錢應聽禮部徑行解還臣部以充軍餉蓋聞

部正當努力運籌之時而

貢夷亦屬犬羊難馴之性臣部雖在匱乏之不得不
通融以處此也伏乞

勅下臣部容臣移文閣部并禮部一體遵奉施行

崇禎二年十二月初四日具

題本月初七日奉

旨欽此

河干凍糧無恙據揭轉報疏

題爲河干凍糧無恙謹據揭轉報恭慰

聖懷事臣于本月初二日接得臣部差往鄯縣務關
收糧司官喻思慥稟帖二通其一係十一月十
七日所具者據稱職蒙劄委前來監運凍阻漕
糧奉有三日一奏報之

旨除前十四日已經具報外自十五日早河西務緣
虜報甚急每日關門午開申閉所運無多至十
六日袁督師大兵經過河西彼時軍民閑傳賊

已圍通分兵四掠居民盡逃今十七日又當三日一奏之期理合揭稟查照轉奏等因其一係十一月二十九日所具者內稱虜報孔棘人民竄逃其車輜夫役之難設法搬運之苦職前已具稟言之矣不意料理方有頭緒十六日袁督師提援兵經過河西維時軍民無知悞認援兵爲賊兵開傳虜已圍通州分兵四掠滿城居民盡空突被流兵一夥爬城而入務開其勢不可嚮邇職聞之魂飛膽落如此鱗集河干者何旋

思時緩則以搬運爲收歛事急則又以權變爲收藏當出牌責令各官旗鑿冰中流停船中央堆冰東岸約可一二丈許將凍船連艘河中職隨單騎星馳楊村往商漕臺彼回復云權宜保全便爲大功等語因即懇請河干逐船曉諭更取各衛所并結在卷一以防賊虜之剽掠一以防軍旗之乘機兩三日間露居野處幾不知死所幸無數漕船俱保無恙當入關復行搬運至今二十九日運入城米五萬三千二百四十五

石零連前共搬運過米六萬一千一百九十石
石有奇雖爲數無多然顆粒已竭盡心血矣且
計糧入城漸多防守爲急請與河西相近州縣
佐貳官協同萬祈速發庶入城凍糧終爲我有
也等因到臣該臣等看得兩稟相距半月而投
於同時則往日道路爲梗今日道路少通可知
也惟是凍糧一節係

國家軍儲命脉仰厯

肝實軫

聖懷臣部職掌所關每一念至不勝戰慄隕越茲幸
仗我

皇上如天之福司宦喻思慥與巡漕御史再三商確
鑿冰而移船于中流輓輸而運糧于城內通計
所入已六萬石有奇顆粒皆軍

國之需已自愉快而况舟中之積又無恙也當戎
馬搶攘之際爲權宜收保之方計奴氛旦夕掃
蕩我庾之墉崇櫛比者可幸如故矣但務關之
儲蓄漸增則城守之綱繆當預似宜勒令該縣

亟委佐領一員再撥民壯百餘及令附近鄉民
入城協同防守又崔黃口設有守備軍丁相去
不遠亦可借其一臂之力勒令入城共爲保聚
庶竭蹶輸將者不終爲盜資也至於主事喻思
慥應變有方保糧無虞應俟事平之日從優敘
錄伏候

聖明勅下遵奉施行

崇禎二年十二月初四日具

題本月初七日奉

聖旨漕糧運入務城已有旨委官防守着再依議飭
行在舟尚多仍行續運喻思慥紀錄優敘該衙門
知道欽此

謹擬廩給折色以優將領疏

題爲謹擬廩給折色以優將領事照得援兵四集
所有軍丁行糧該臣部循例具題每軍一名每
日米一升五合鹽菜銀三分已經遵行在案惟
是事出倥偬將官廩給尚未畫一臣查援遼往
例凡應援將官每日本色米五升廩給銀一錢
千把總三升口糧銀五分此爲經過

都門暫時信宿者而言也今賊虜狂逞城下各路遠
道開闕饑渴暴露勞勩堪憐自大將而下以至

偏裨材官所當厚其餽廩用鼓敵懷者除本色
食米仍照舊例無庸更擬外其折色銀兩經理
大將擬每日廩給銀一兩總兵官每日七錢副
將每日五錢實授叅遊都司每日三錢守備二
錢千總一錢把總八分旗牌官五分叅候

命下請以到京之日爲始臣部逐一照例給發再照
京軍行糧每日本色米二升援兵行糧每日米
一升五合緣援兵本地所領折色月糧原厚而
京軍月糧止食米一石原薄此俱載在成例未

敢增減者今施洪謨袁信城外列營之軍與劉國柱所統一千二百名皆京軍也如照援兵例每日止支給米一升五合是於應得之內減去五合矣似宜仍照舊每日支給米二升此固各路所不得引以爲例而非敢獨厚于京軍者敢併及之伏乞

聖裁以便遵行

崇禎二年十二月初五日具

題本月初七日奉

聖上是欽此

題委趙炯管理申甫軍餉疏

題爲欽奉

明旨事據司務廳呈准叅佐軍務山東道監察御史
金聲手本前事內開該總督勦禦副總兵申甫
奏爲請給月餉事等因奉

聖旨申甫兵餉着委司官一員照新餉例給發該部
知道欽此欽遵看得副總兵申甫之師見在練禦
嗷嗷待哺糧餉不可一日少緩本將疏

請司官一員專理新餉荷蒙

俞旨相應亟請等因移會到廳具呈到部該臣等看
得副總兵申甫新奉

簡命練兵勦虜日費本折糧餉爲數不貲必得專官
料理方能有濟查得刑部雲南司主事見侯調
補臣部趙炯饒有心計實堪斯任相應題

請委用但軍旅戰陣之事非儒紳所習本官但於

都門給發一應糧料草束本折之事異日本將興
師進勦本官祇可遙爲供億必不能身在戎行
今不得不預爲申明以便宣力供職者也恭候

命下臣部劄委本官遵奉施行

崇禎二年十二月初五日具

題本月初九日奉

聖旨是錢糧督發交收司官專職何得預談不聞趨
烟還照各營管餉例行欽此

三河錢糧酌給薊密兼濟疏

題爲酌給薊密錢糧以期兼濟事該薊遼總督劉
策揭爲收歲在邇京運難通懇准權放關餉以
救饑軍事內稱據密雲餉司孫止孝呈本鎮年
例未蒙解發者七萬六千餘兩新餉并豆草價
銀未發者六萬餘兩舊兵九月新兵十月俱未
放給屈指歲除僅一月耳值茲嚴寒之際又兼
夷氛告急不飽不暖何能資其捍禦昨因本部
院提取關餉到密全鎮軍士悞爲解到之餉歎

聲雷動數日未見掛牌紛紛爭相告討看得賊
兵逃亡過半且未見實數况道途阻絕一時不
便轉輸合無權將前餉俯准本鎮支用仍乞移
文部堂准作本鎮開銷等因復經督臣如議轉
咨前來到部該臣等查得前因關寧之兵赴援
薊門該兵部題奉

明旨着戶兵二部發銀三萬兩犒軍臣部隨與兵部
各發銀一萬五千兩共三萬兩又發新餉銀一
萬七千八十兩八錢舊餉銀二萬兩共六萬七

千八十兩八錢係兵部差官王國相顏永壽解薊門不意甫至三河卽值夷虜梗道收寄縣庫繼而督臣劉策欲將前銀取至密鎮以抵正項急需臣部以三河斗大一城留之恐爲盜資卽准督臣取用亦屬兩便但犒賞一項尚有兵部銀兩在內而錢糧艱難應用之于有用之地或募兵入援以備

神京或量發薊城以圖接濟庶有當耳已經咨覆在案未幾而督師袁崇煥移兵城下請給犒賞

臣部復于新餉庫內發銀三千兩給與差官銀
鉞運至

廣渠門縫城發給尚未取有實收隨移文總兵祖
大壽查取尚未見報今督臣以密鎮新舊二餉
俱缺兵士嗷嗷環索欲將前銀盡移充密鎮軍
餉當茲夷氛孔亟軍士效命之時安得不通融
借給以重根本之圖惟是前銀除犒賞外其餘
項款則新舊餉之三萬七千八十兩八錢皆爲
薊鎮而設今中協邊兵雖潰而薊州孤城自守

都門阻隔音信不通茲旣不能接濟若將薊餉盡歸與密是棄薊也密與薊道路稍近倘肯設法轉輸或令薊州司道分作數次差官自取撥兵護送薊之望眼欲穿而當賊去路者尚可慰厥萬一以收桑榆之効也今無將前項銀六萬七千八十兩八錢准密雲坐留四萬七千八十兩八錢以抵該鎮新舊兵餉尚餘二萬行令督臣多方設法護運薊州用濟枵腹內有兵部犒賞銀一萬五千兩嗣後需用犒賞之日臣部當與

代發以抵前數且密鎮自有警後所發已倍他
鎮同舟之誼休戚相聯當不能忘纓冠於孤勤
也既經咨會前來相應題

請恭候

命下臣部行文薊遼總督并兵部知會施行

崇禎二年十二月初六日具

題本月初九日奉

聖旨是其兵部犒賞銀仍行抵還該衙門知道欽此

給發副將申甫兵餉疏

題爲萬分緊急軍情事司務廳案呈本月初六日
准

欽命叅佐軍務山東道監察御史金聲手本前事內
稱本院於本日觀兵據該協報稱卽刻出師乃
兵有七千餘名之多尚無月餉行糧等銀及催
專餉司官等因案呈到部該臣等案查先據該
院手本內開招募數近一萬其月餉廩糧移文
臣部請發二萬兩給散俟招完各兵練就出師

之日開銷並行糧查照遼東新兵月餉例每
米五斗等因該臣等已於初二日具題奉

聖旨新兵給過本折糧草知道了申甫所請銀兩已
着內庫發訖爾部所發的撤回別用料豆着五城
協同收買外解鹽課仍催接濟欽此欽遵爲照此
一役也該院懃懃之忠招集勇壯成師以出臣
等誼在同舟敢忘共濟其所請本色糧料草束
臣部俱刻期劄發陸續取有實收已經備載前
疏未敢再贅頃于初五日臣委新改臣部主事

李學禮親詣副將申甫軍前自謂于初六日出師此時匆遽無暇收貯糧草待初八日再運見其露積尚有如許未散臣竊意本色既幸不乏而折色又有

內庫

欽發之銀慮無有不足者乃該院又以無餉告急也據所引遼東新餉例每兵每月支米五斗銀一兩四錢雖是本折兼支但關寧之兵餉固厚其在本地方併無外給行糧鹽菜此係載在經制今

申甫兵共計七千有餘約該月餉一萬有餘臣
欲徑自給發乃前此所發二萬伏奉

明旨已令臣部撤回別用矣如臣低回不發而該院
又以戒行疾呼矣至於行糧鹽菜應否并給尤
難懸斷臣等此時進退維谷夫師行糧從刻晷
不容緩而計兵授餉錙銖不敢濫節據該副將
手本所報招募或謂近萬或謂七千餘尺籍未
據移報錢穀皆係

國儲卽該院亦未議有行月二糧確數臣部莫知

遣從合無一面先解銀一萬兩聽其酌量給發
銷算一面仍令該院查明兵餉確數具題

定奪至臣近題調部司官趙炯代理兵餉亦未奉有
俞旨不便責成伏乞

皇上速賜

宸斷其副將申甫一軍所需月餉折色如

內庫銀兩已自足用則臣部不必再發折色止辦
所請本色如折色仍令臣部措發或姑照京營
例給鹽菜食米或比照遼東例准本折兼支懇

勅該院議定臣卽劄庫勒發至所請專官併乞
允令臣部先行劄委庶軍需皆備而我武益揚矣
可悚息待

命之至

崇禎二年十二月初七日具

題本月初九日奉

聖旨覽奏申甫兵餉今先解銀一萬兩知道了以後
着確查兵數具奏按時給發該衙門知道欽此

補還工部贓產急備硝黃疏

題爲虜患剝膚懇乞急備硝黃以固根本以資捷
伐事該臣部于本年十二月初六日接戶科抄
出工部尚書張鳳翔題前事等因本年十二月
初五日奉

聖旨帑金准暫借仍補還贓產銀戶部速發硝黃如
數刻期辦進應用欽此欽遵抄出到部該臣查得
崔呈秀變產銀三萬九千四百五十餘兩先據
薊鎮糧儲呈稱崔產贓銀向係充餉請將前銀

就便動支時因該鎮缺餉衆兵嗷嗷遂允其請
於是前銀除撫臣取銀一千二百兩軍前應用
外昌鎮分用銀五千兩薊鎮舊兵用銀五千兩
新兵用銀二萬八千二百五十六兩有零抵充
月餉訖繼因工部爭執奉有通融分額之

旨臣部疏云倘蒙

皇上俯念度支之苦免其分額實屬厚幸卽不然割
前項之半以與之亦須俟臣部外解充裕之時
若責備于目前審時量力誠有所不能也已經

具覆在案今何時也虜迫門庭兵馬四集不遑
錢糧口費鉅萬屈指已經匝月新舊兩庫如洗
且道路阻梗外解斷絕臣部百計支持方懼點
鐵技窮不能自道

斧鉞其何以完工部之舊通也查得工部見借過
臣部事例錢三百四十一萬有奇銀四萬一千
五百二十兩七錢八分原議於來歲抵還卽于
其中扣一萬九千七百二十八兩以抵崔產分
額之數亦屬便計但該部旣已力索臣部敢弗

通融今查得工部原發禮部備折貢夷段銀三千五百一十一兩八錢禮部已將臣部留寄通糧廳關餉借給貢夷前銀見在禮部尚未支動此銀原應解還臣部以抵借給之數者合無卽將前銀三千五百一十一兩八錢臣部再奏銀六千四百八十八兩二錢共足一萬付還工部該部仍將應還臣部事例銀內扣九千七百二十八兩以抵崔產分額以應硝黃急需恭候

奉下臣部行文工部遵奉施行

崇禎二年十二月初九日具

題本月十一日奉

聖旨是欽此

原缺

略添選騎兵你部卽行滿桂調度薛光胤等委任
協翼糧豆戶部預備着各速行欽此俱移咨到部
案查先於十二月初六日戌時准兵部咨及總
提協戎政軍門手本開稱據懷來遊擊鄧祖禹
塘報乞速接濟糧草以濟然肩等因初七日又
准總提協戎政軍門開稱參將尤岱統兵一千
五百九十九員名蒙滿總兵督發起程前去良
鄉各兵俱無盤費速派委官運送軍前給散等
因到部該臣等隨於文到之日卽刻發鄧祖禹

官軍糧折銀一千兩於初七日卯時差官赴
發尤岱官軍糧折銀一千一百六十一兩八錢
五分於初八日辰時差官起解俱遵照

明旨付總理滿桂轉送該營取有印信實收在卷
准入援大同撫臣張宗衡差人報稱大同遊擊
王邦政赴援在路無糧亟請本色自運該臣隨
令速運米豆各一百石從

德勝門城上連袋縋出該撫差人乘月護運至營
總之或本或折援兵但有所請臣部不敢不竭

厥以應乃若設法護運及調官親領是在提兵
主帥機事機而酌緩急耳至於乾糧炒豆俱賴
戰士資裹自隨不煩轉輸亦無匱乏誠屬軍家
必需之物臣今見在本部設鍋設爐料理預備
以聽進勦撻伐之用但料豆炒熟猶易爲力惟
乾糧一項市肆麥麵漸少餅餌無多若果進師
期迫一時置辦約數百萬恐非一手一足之力
仍賴五城司坊各官協力供億庶克有濟臣部
先行酌量給價收買尤望

聖明亟爲申飭遵奉者也茲事業兩煩

明旨臣部謹披瀝具陳以副

五位焦勞宵旰至意伏惟

聖鑒裁督施行臣等可任悚息待

命之至

崇禎二年十二月十一日具

題本月十四日奉

聖旨這發過良鄉援兵鄧祖禹等行糧本折數目知
道了糧豆作速料理乾糧一項還着五城御史督

率坊官協力置辦不得推諉延遲該衙門知道欽
此

募兵已有次第月餉宜展盡一疏

題爲募兵已有次第月餉宜展盡一謹酌議具

請懇祈

宸斷以便遵行事案查十二月初三日副總兵申甫

題爲請給月餉等事奉

聖旨申甫兵餉著委司官一員照新餉例給發該部知道欽此初七日該戶部題爲萬分緊急軍情事准叅佐軍務山東道監察御史金聲手本前事內開副將申甫招過新兵七千餘名應給本折

糧餉等因初八日奉

聖旨據奏申甫兵餉今先解銀一萬兩知道了以後
着確查兵數具奏按時給發該衙門知道欽此本
月初五日又該臣部題爲給發新兵餉銀事奉
聖旨劉之綸經定官軍若干員名冊報給餉不致參
差該部知道欽此初十日又准副協理京管戎政
兵部右侍郎劉之綸咨爲緊急新兵餉銀事內
稱兵將糧餉甚急請臣部給餉銀三萬兩以濟
急用約略選定將領及招募軍兵額數副叅遊

佐中千把總等官共一百二十員兵丁七千三百五十名另行造冊銷算等因本日又准兵部咨爲請乞定額原餉照例給發以便遵照事內稱總兵王威原奉

旨招募新兵以資滅虜今據冊報先招實在兵一千七百二十五名請給月糧造冊見在煩將新募兵糧照冊查例給發等因俱備咨到臣該臣等看得寇逼門庭招募宜亟是役也開帳已列三壇選徒將至二萬漸次成行隸籍計簿伐在即

矣臣部悉索敝賦用壯敵愾月餉之供敢遲
刻但各兵月餉兵部及募兵各官俱未開有應
支糧數莫知適從臣念不著爲定規未免有異
同之口未按之舊例無以爲畫一之規查天啓
二年亦係賊奴猖獗該陽武侯奉

旨招兵臣部與兵部兵科議定上等一兩八錢中等
一兩五錢下一兩二錢每馬一匹給草料銀
九錢備載在案可覆視也臣竊謂此番募兵諸
臣皆奉

聖明特簡其招募之遴選必精則下等似可無設且
禦寇如救焚拯溺與往日之聲討亦覺不同不
厚其餽無以賈勇直前則下等之額餉可置勿
用臣謂止照上等等例凡新兵一營或上等
居三分之一中等居三分之二或上中等各平
兵寧精而毋濫餉寧厚而毋薄上等月餉比照
閑寧之例每名一兩八錢內給折色銀一兩三
錢五分本色米四斗五升作銀四錢五分中等
月餉每名一兩五錢內給折色銀一兩五分本

色米四斗五升作銀四錢五分馬一匹照例
銀九錢第遼東兵馬給餉既厚附近徵調并無
行糧今各處援兵四集每日俱給三分則新兵
出城征勦亦難異同似當比例亦給三分但口
糧米不必重支耳料草如支本色則每日扣除
三分庶得其平其副叅遊守都司以至千把總
等官月廩行糧亦宜預定查閱寧經制副總兵
月廩四十八兩叅將月廩三十六兩遊擊月廩
三十兩都司月廩二十四兩守備月廩十八兩

中軍千總月廩九兩把總月廩六兩今各管除
主將俱題奉

欽依外其餘多係名色原非實授設官不無太濫廩
餼似難盡徇今議副叅遊守都司各減實授原
額之半仍俟題奉

欽依卽准全給其中千以下廩糧漸薄緣係新集之
師量減三分之一仍俟征勦有功營伍旣成亦
准全給至於離京出征應給行糧副總兵每月
五錢叅遊都司每日三錢守備二錢中千一錢

把總八分此則臣部近經題定不便以新舊異
同者也蓋於優卹養贍之中仍存樽節限制之
意庶詔食之典不淆而吞胡之氣益勵矣伏候
勅下臣部轉咨兵部申飭各該管伍遵奉施行

崇禎二年十二月十二日具

題本月十五日奉

聖旨這官軍廩餉既酌定畫一依議行欽此